



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Simplicitatis perstudiosus.

urn:nbn:de:hbz:466:1-41515

res ad se pertineret. Eodē deniq; pertinet alacritas, qua opera subiiciebat censuræ omnium, & ad aliorum accommodabat gustum. Nam ideo in opere Mariano paulò aliam tenuit differendi rationem, ac viam, quam in Ioanne Baptista tenuerat, quod id cognouit aliquorū magis palato arridere. Totus igitur ex obedientia factus, totus ex humilitate vtraq; sincera, mireque simplici. Eademq; virtutes optabat, ac Deum precabatur ut in Societate nostra in primis florerent. Intelligebat nimirum per illam Sanctorum, qua plenuserat, sapientiam, eas esse maxime capacē cœlestium donorum materiam, familiaritatis Dei conciliatrices, beatæ pacis tranquillitatishq; parentes, atq; custodes; rerum deniq; bene, & feliciter agenda rum firmissima fundamenta.

Confueuerat supremo tempore ad Tyrone Landspergenses quo annis Friburgo piorū quid monitorum, & ad perfectionem utilium religiosæ strenè loco sub nouum annum prescribere: interq; alia pulcherrimum illud impense commedit: ut omnes, qui in Societatem dant nomē, maximeq; docti, iamque rebus agendis exercitati ad exemplum proponant sibi puerum Iesum: & obedien-

*Simplicitatis
per studiosos.*

bedientiam promptissimam, & sapientissimam simplicitatem, quam tenera in ætate ille præsttit, imitari omni ope studeant. In quo cum iam inde à primo matris cōceptu thesauri fuissent omnes scientiæ, atq; sapientiæ Dei, tamen ad decorum se ætatis accōmodans, nec emanare sinens immensam illam lucem, subditus, & obsequentiissimus Iosepho, & Virgini Matri erat: & quamuis haud dubiè meliores ipse rerum efficiendarum vias, q̄ quo interdum modo imperabantur, nosset, nihilo tamē minus aliena placita obedienter, ac simpliciter sequebatur. Quām obedientiæ formam Canisius haud magnificētius verbo proponebat iuuenibus, quam seniori p̄ se tenebat. Quippe videre erat grandem natu senem, cuius per omnes Ecclesias (hoc enim maximus vir Cæsar Baronius Cardinalis ornat Elogio) laus in Evangelio erat; cuius vel conspectum ponebant in beneficio pleriq; Catholicorum, & tanquam ex oraculo edita responsa accipiebant, intra septa domestica velut vnum è numero suas obire vilissimorum ministeriorum vices, purgare scopis domum, tergere in coquina lances: dormire, surge-re, vesci, omnia demum ad alienum nutum, hoc est legum, ac Præsidum facere.

Quanti